

Nan ta bin cu equipo sonar y cacho special...

Grupo di Houston ta bin

Aruba pa yuda busca Natalee

ORANJESTAD (AAN): Un informacion publica door di KPRC-TV na Houston, ta indica cu un grupo local di voluntario di Texas, ta bay uni nan mes den e buskeda di Natalee Holloway na Aruba.

Un omo di Natalee, kende ta biba den e area di Bacliff na Texas, a pidi e grupo di "Texas Equusearch" pa yuda busca su sobrina, kende ya ta perdi pa tres siman.

E grupo di Texas Equusearch, ta spera di lanta vuelo awe Diamars pa Aruba, pero tur esey ta depende di fondo cu nan por acumula.

E grupo aki di voluntario, tin plan pa usa equipo di sonar y tambe cacho special entrena pa busca cadaver.

E fundador di e grupo, Tim Miller, a bisa cu e no ta optimista di lo haya e teenager aki ainda bibo.

"Mi a bisa e famia cu mi no ta bay pinta nada bunita, como cu tin hopi posibilidad cu e no ta bibo," Miller a declara na KPRC-TV.

E grupo ta pidi donacion pa nan por haci e trabao di buskeda na Aruba. Esnan cu kier yuda, por yama na Merca, (281) 309-9500.